



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-02-104-6/23
Sarajevo, 10.02.2023. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

ODLUKU

(1) Nakon provedenog postupka utvrđivanja postojanja sukoba interesa za Baltić Abela, Ured za borbu protiv korupcije i upravljanje kvalitetom Kantona Sarajevo utvrdio je postojanje sukoba interesa za imenovanog, jer isti obavlja dvije javne funkcije, i to javnu funkciju vijećnika u Općini Novi Grad Sarajevo i javnu funkciju direktora JU Dom zdravlja Kantona Sarajevo, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Baltić Abel da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured za borbu protiv korupcije i upravljanje kvalitetom Kantona Sarajevo.

O b r a z l o Ź e n j e

Ured za borbu protiv korupcije i upravljanje kvalitetom Kantona Sarajevo zaprimio je od strane fizičkog lica, 04.01.2023. godine, prijavu sukoba interesa u kojoj se navodi da Baltić Abel obavlja dvije javne funkcije, i to javnu funkciju vijećnika u Općini Novi Grad Sarajevo i javnu funkciju direktora JU Dom zdravlja Kantona Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno. U cilju utvrđivanja tačnosti navoda iz zaprimljene prijave, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak za utvrđivanje postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je po službenoj dužnosti, Rješenjem broj: 20-02-104/23 od 04.01.2023. godine, pokrenuo postupak za utvrđivanje postojanja sukoba interesa za Baltić Abela.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-02-104-1/23 od 05.01.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa za istog, te je zatražio pismeno izjašnjenje na navode iz ove obavijesti. U prilogu akta od 05.01.2023. godine, imenovanom je dostavljeno Rješenje broj: 20-02-104/23 od 04.01.2023. godine.

Izjašnjenje na navode iz Obavijesti o pokretanju postupka za utvrđivanje postojanja sukoba interesa i zahtjev za pismeno izjašnjenje od strane Baltić Abela, Ured za borbu protiv korupcije i upravljanje kvalitetom Kantona Sarajevo zaprimio je 25.01.2023. godine. U Izjašnjenju imenovani navodi da su navodi iz akta Ureda za borbu protiv korupcije i upravljanje kvalitetom Kantona Sarajevo, od 05.01.2023. godine, djelimično tačni i to u dijelu kojim se konstatuje da je Baltić Abel vijećnik u Općinskom vijeću i da je generalni direktor JU Dom zdravlja Kantona Sarajevo.

Dalje, imenovani u Izjašnjenju osporava konstataciju da se radi o nespojivim funkcijama ili o sukobu interesa, a kako navodi u ovom aktu „imajući u vidu pravno-relevantne činjenice koje u pojedinačnoj i subliminiranoj analizi jasno potvrđuju da se ne radi niti o nespojivim niti o funkcijama koje bi rezultirale sukobom interesa. Potvrda prednje navedenog proizilazi i iz činjenice da CIK BiH nije pokrenuo postupak za oduzimanje mandata“.

U cilju pravilnog odlučivanja u predmetnom slučaju, Ured za borbu protiv korupcije i upravljanje kvalitetom Kantona Sarajevo je 31.01.2023. godine uputio Zahtjev za dostavljanje informacije i dokaza, broj: 20-02-104-2/23 od 30.01.2023. godine, Upravnom odboru, n/r predsjednika, JU Dom zdravlja Kantona Sarajevo, i to u pogledu dostavljanja informacije ko trenutno obavlja funkciju direktora/ice u JU Dom zdravlja Kantona Sarajevo, kao i kopiju akta o imenovanju ovog lica na navedenu funkciju.

Također, Ured za borbu protiv korupcije i upravljanje kvalitetom Kantona Sarajevo je 31.01.2023. godine uputio Zahtjev za dostavljanje dokaza, broj: 20-02-104-3/23 od 30.01.2023. godine, Centralnoj izbornoj komisiji Bosne i Hercegovine, i to u pogledu dostavljanja kopije akta o dodjeli mandata vijećnika u Općinskom vijeću Općine Novi Grad Sarajevo, Baltić Abela.

Ured za borbu protiv korupcije i upravljanje kvalitetom Kantona Sarajevo je 01.02.2023. godine zaprimio Informaciju, broj: 01-01-04-01-1/23 od 01.02.2023. godine, od Upravnog odbora JU Dom zdravlja Kantona Sarajevo, u kojoj se navodi da je Odlukom Upravnog odbora o izboru i imenovanju generalnog direktora JU Dom zdravlja Kantona Sarajevo, broj: 01-01-695-150/21 od 20.08.2021. godine, dr.sci.med Baltić Abel, specijalista interne medicine, imenovan za generalnog direktora ove ustanove, na mandat od četiri (4) godine i to u periodu od 01.09.2021. do 01.09.2025. godine. Kao dokaz za navedeno, u prilogu Informacije od 01.02.2023. godine, Upravni odbor JU Dom zdravlja Kantona Sarajevo dostavio je kopiju Odluke o izboru i imenovanju generalnog direktora JU Dom zdravlja Kantona Sarajevo, broj: 01-01-695-150/21 od 20.08.2021. godine.

Ured za borbu protiv korupcije i upravljanje kvalitetom Kantona Sarajevo je 02.02.2023. godine zaprimio Odgovor broj: 06-1-07-1-128-2/22 od 06.02.2023. godine, od Centralne izborne komisije Bosne i Hercegovine u kojem se navodi da je provjerom u službenim evidencijama Centralne izborne komisije Bosne i Hercegovine, te uvidom u Odluku Centralne izborne komisije Bosne i Hercegovine o potvrđivanju i objavljivanju rezultata Lokalnih izbora u Bosni i Hercegovini 2020. godine, 05-1-07-1-2100-1/20 od 15.12.2020. godine („Službeni glasnik BiH“, broj: 81/20) utvrđeno da je Baltić Abel, na Lokalnim izborima 2020. godine, izabran za vijećnika u Općinskom vijeću Novi Grad Sarajevo, te da imenovani još uvijek ima mandat u Općinskom vijeću Novi Grad Sarajevo. Kao dokaz za navedeno, u prilogu Odgovora od 06.02.2023. godine, dostavljen je izvod iz „Službenog glasnika BiH, broj: 81/20, u kojem se u dijelu, Izabrani kandidati-Nivo 133, OV/SO/GV/SG Novi Grad Sarajevo, Baltić Abel nalazi kao izabrani vijećnik u navedeno vijeće, kao kandidat sa liste političkog subjekta SDP – Socijaldemokratske partije Bosne i Hercegovine.


Na osnovu dokumentacije koju Ured za borbu protiv korupcije i upravljanje kvalitetom Kantona Sarajevo posjeduje, utvrđeno je postojanje sukoba interesa za Baltić Abela, jer imenovani istovremeno obavlja dvije javne funkcije, i to javnu funkciju vijećnika u Općinskom vijeću Općine Novi Grad Sarajevo i javnu funkciju direktora JU Dom zdravlja Kantona Sarajevo, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

Nosilac javnih funkcija, Baltić Abel, dužan je u roku od 30 dana od dana prijema ove odluke, podnijeti ostavku ili na drugi način odstupiti sa jedne od javnih funkcija koje istovremeno obavlja i o tome pismeno obavijestiti Ured za borbu protiv korupcije i upravljanje kvalitetom Kantona Sarajevo.

5
Shodno navedenom, Ured za borbu protiv korupcije i upravljanje kvalitetom Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

Pouka o pravnom lijeku: Ova odluka je konačna i protiv iste nosilac javnih funkcija može pokrenuti upravni spor.



Dostaviti:

1. Imenovanom,
2. Za objavu na internet stranici Ureda za borbu protiv korupcije i upravljanje kvalitetom Kantona Sarajevo,
3. a/a.